

古蹟志序



余總角時側聞吾皖多古帝王陵寢先賢祠墓及名人傑士之遺址私心竊慕即欲縱觀焉以爲快朝夕受讀未遑也少長應試省郡得遊江南諸郡縣謁湯陵揖魏武墓慨然念經營草昧順逆雖殊而其建開國承家之模則一登塗山絕頂而左右顧諸峯羅列千八百國玉帛會盟之盛宛然在我目前至泗上尋亭長故治度清流關訪皇用規姚鳳就禽之所舉凡甘羅墓老莊故里管鮑分金臺逐一瀏覽竊歎天地間氣其鍾我淮河流

新疆圖志

古蹟志序

一

域者已磅礴鬱積如是而目想神遊念四海之六九州之廣中先哲王之所留遺英雄豪傑之所布置三教九流諸子百家之所營謀雖經兵燹飄零風雨剝蝕其磨滅而殘缺者不知凡幾要其敗址頽垣殘磚賸瓦與夫英光浩魄餘韻流風對日月以爭光與山河而並壽者視吾皖奚啻百倍此斷非管窺蠡測所能盡要必海濫山陬皆有車轍馬迹庶其寓吾目而快吾心焉及壯而從軍吉林督兵嶺表治河鄭州開礦漠河觀察清河東邊江淮徐州各道足跡所經上自祠廟寢陵下至碑碣

石  
幢以及金石書畫陶瓷什物與夫畫壁塑像之屬凡爲  
古昔所傳遺者靡不尋巖搜谷以光吾遊記而壯吾行  
簾至護撫河南則交通便採訪捷耳之者皆得而目之  
矣獨至撫魯

命下侍疾未行舉孔子廟堂顏淵陋巷未獲躬親瞻拜一灑王  
心齋之淚殊爲憾事宣統庚戌躬膺

簡命巡撫新疆

陛見之餘乞假歸省乘京洛汽車由鄭轉汴距城數十里欣  
然望見一筆轟空干霄直上者則汴之鐵塔也知去吾

新疆圖志

古蹟志序

二

母爲不遠矣定省之暇登臨西望黃流浩浩從千巖萬  
壑中奔騰而來溯流而上之穆然想見豐鎬之舊治秦  
漢之故都及漢所謂河西四郡西域三十六國者率皆  
星羅棋布勢據黃河上游余之所謂新疆者即於是乎  
在噫是役也其在他人往往咨嗟太息似不勝西出陽  
關之感而余則心曠神怡轉幸得步張騫傳介子班定  
遠之後塵南跨崑崙北躡阿爾台山西上帕米爾高原  
乃益搜羅剔抉以擴我眼界兼得相度形勢抵制英俄  
謀所以拱衛

神京者將於此行卜之今年春由汴入洛道經虎牢伊闕之雄滎陽成皋之險瞬息千里不暇注視猶憶劉項鑿兵固皆一世之雄要亦於地理形勝有絕大關繫者也抵洛陽瞻周之東都城中午門三楹半就傾圮黍離之感油然而生城東五里訪古存閣見秦磚漢瓦唐幢之屬古致宛然摩娑不忍去度夾馬營相傳爲宋藝祖誕降處登高而北望軒然以昂者則漢光武陵也而司馬懿墓亦厠其旁薰蕕並立過者多指摘之在晉武當日方以爲抗衡漢祖不知適以爲後人笑也過澠池豐碑

新疆圖志

土壤志序

一一

屹立者爲秦趙會盟處也越靈寶而南土人指爲天師洞者又張道陵故里遂乃入函谷達崤陵誅陽震墓訪召伯甘棠府而少憇焉連日西發遙望日觀仙掌諸峯悠然如見陳希夷王景畧之爲人渡渭踰灞橋入長安尋唐故宮景陽長樂無一在者而太湖石巋然獨存與慈恩雁塔孔廟碑林歷久而如新然豐水東注波濤奮發如聞辟雍鼓鐘渡渭赴咸陽攷阿房遺址僅約畧可辨出崆峒訪黃帝問道亭次遙池瞻王母降生處猶有餘迹然後歎古蹟之存者恒與道德同光若富貴奢侈

造作則煙雲過目無可大可久之理也行抵蘭垣是爲  
古金城南枕五泉爲霍去病故壘北帶巨浸則天下黃  
河第一橋也遊肅王宮窺三子石洞壑深邃惜未窮其  
根底而去於涼聽大雲之鐘步竇融之臺摹西夏西甯  
王諸碑胥途中快事又西而至甘肅飲甘泉之水清沁  
肺腑入石室讀唐經閱酒泉故城皆漢武時一綫中通  
者然後知甘之得名者以泉而甘肅之全省得名者以  
二州爲古夷夏大防也旣而出嘉峪渡赤斤歷雙塔堡  
西望晶瑩白石林立如雍州之球琳琅玕而雙山成峽

新疆圖志

古蹟志心序

四

如重門洞開乃悟古所謂玉門者固在於此又西而至  
星星峽碎石億萬確犖泉山間此星星所以命名也乃  
不知誰何大書勒石而易其名曰猩猩歷年旣久則伍  
髭鬚杜十姨之悞詎能免乎於是又西西行遂入新疆  
境古之三十六國其遺蹟不少概見而余以羈於公務  
咸不克訪問恒悵悵焉秉節之暇爰師孫文定南遊記  
之意舉途中所歷者詳細按日識之名之曰撫新紀程  
方冀理甚無事將持節赴南疆一攷漢唐遺蹟以續吾  
遊記適新疆古蹟志成而呈余鑒定則凡新疆古蹟之

所在先得目爲之遊焉乃益觸發吾向者嗜古之心爰  
舉數十年來考古之事之入於遊記者節約其大畧如  
此以塞其責今而後有以古蹟告我者當敬觴之也是  
爲序

宣統三年十一月既望撫新使者渦陽袁大化謹序

新編圖志

古蹟志序

五

新疆圖志卷八十七

古蹟志

迪化縣

烏魯木齊故城

在城西十里西域圖志云乾隆二十年正月大兵征準噶爾多爾濟降地皆內屬有舊城周可三里

賜名迪化即明故城也案明史瓦刺疆後分爲四衛拉特其

和碩特部治烏魯木齊準語烏魯木齊好大圍場也

昌吉縣

新疆圖志

古蹟志

張堡廢城

城東二里白城墉舊基濶丈二尺斷垣存十之二三土人呼唐朝城案唐地志輪臺縣西百九十里有張堡城守捉即是地也城中二土墩尙高丈許居民戒不得侵犯犯則非雷雨交作即本身病狂

綏來縣

唐朝渠

城北五百四十里魚窟舖有廢渠在阿雅爾淖爾南濶約丈餘長數十里相傳唐時所開距渠數里有伽

藍廢址道咸之際居民猶見木質神像五尊均高丈許後爲飛沙所壓漸成高阜夜闌陰雨隱聞鐘聲光緒三十三年奏設唐朝驛北通阿爾泰

### 熱水泉

城西二百九十里博羅屯古莊西南入山馬行六十里有熱水泉自石壁流出浴之已疾眾建石室五間每年五六月游人絡繹于道臨潼溫泉不是過也

### 雪淖壩

城西百九十里長樂堡一名石廠山頂有雪淖壩望

### 新疆圖志

古蹟志

一一

之如琉璃世界周圍五六里積雪不消雪鷄飛集其上沿岸產雪蓮宣統庚戌知縣文篤周曾親至其地

### 阜康縣

### 達摩祖師面壁處

方士淦東歸日記云巴克達山高峯插天冰雪不化頂上常有雲氣每年五月阜康縣令率民人致祭香火極盛山行十五里下車步行直至中層平行寬廣有天池二形似葫蘆清冷可愛乾隆年間明將軍璦琿欲引池水下山通渠溉灌水不下注池邊有琪花瑤

草相傳爲達摩祖師面壁之所仰視高山如在天際人不能上矣

### 孚遠縣

#### 千佛洞

西域釋地云濟木薩城西南十餘里有千佛洞山中樹木叢茂乾隆三十五年有人病目翳已失明矣入山樵採目暴腫痛不可忍遙聞山間人語云山下泉水洗日宜愈若是者之其人匍匐而下耳畔水深淙淙祝而洗之痛良已再三掬洗日忽明乃悟語之者

### 新疆圖志



古蹟志

三

非人也因望空謝尋舊徑欲歸瞥見土石裂處粉垣半露隱約有洞亟歸告其儕携錘具往洞甚深黑燭之形如半月有大佛卧其中三州輯畧云佛身長一丈六尺金面跣足顏色如新洞中銅佛像尺餘至三五寸者甚多不知何代所供養也其人感佛拯救誓落髮爲僧住此山募修莊嚴極其壯麗洞中銅佛九尊曾入貢云案王延德高昌行記云時四月師子王避暑北庭北庭都護府在今孚遠城北三十里之護堡邀延德凡六日至北庭憇高台寺明日遍游境內佛寺有曰應運泰寧之寺貞觀十四



年造此洞當亦唐時遺址也

唐北庭都護府故城

在城北二十里城週四十里以上鑿壘城每鑿厚一尺濶一尺五六寸居民呼唐王城亦呼破城子西域圖攷車師後王庭治務塗谷今濟木薩地其古城在今保惠城北二十里亦名金滿城唐北庭都護治也西域水道記濟木薩即西突厥之可汗浮圖城唐爲庭州金滿縣又改後庭縣北庭都護治也遺址尙存相傳李衛公德裕所築槐西雜誌謂城中一寺已圯

新疆圖志

古蹟志

四

盡石佛自腰以下陷入土中猶高七八尺鐵鐘一高出人頭四圍皆有銘鏽澁模糊一字不可辨識唯刮視字棱相其波磔似是八分書耳

吐魯番廳

交河故城

在城西二十里雅爾湖廢垣周七里漢車師前王治交河城河水分流繞城下故號交河唐城西域傳高昌王都交河城漢車師前王庭也光緒辛丑同知文立山於城中掘得唐開元十年蓮華經一卷書法逼近

二王

銀山

在城西南四百一十里庫木什驛回語庫木什銀也  
唐人呼爲銀山郭孝格<sup>格</sup>率步騎三千出銀山道是也

火山

在城東九十里勝金口山皆赤色如火焰形魏書高  
昌郡氣候溫煖北有赤石山故明史有火州之名肅  
州志亦作火焰山

十萬羅漢削髮處

新疆圖志

古蹟志

五

西陲紀畧云靈山在安樂城西北百里即博克達巴  
罕之陽近山有高臺旁有僧寺寺下有石泉林木入  
山行二十里至一峽峽上有小土屋南登山坡坡上  
有石屋中有小佛像五屋前有池池東有山青黑色  
遠望如披毛髮人言此十萬羅漢削髮處也循峽而  
南行六七里登高崖崖下小山纍纍峯巒秀麗羅列  
成行峯下白石成堆似玉輕脆不可把握唯中有若  
人骨狀者則堅如石文鏤明晰顏色光潤人言此十  
萬羅漢靈骨也又東石崖下石筍如人手足稍南至

山坡有石瑩如玉人言此辟支佛涅槃處抱自吐魯番城北行百一十里至靈山石青黑色遠望紛如毛髮亦奇觀也

### 狼頭蠱

隋書突厥傳其先世國於西海之右為隣國所滅男女無少長盡殺之至一兒不忍殺則足斷臂棄大澤中有一牝狼每銜肉至其所此兒因食之得不死其後遂與狼交有孕焉彼隣國者復令人殺此兒而狼在其側使者將殺之其狼若為神所憑歛然至於海

### 新疆圖志

古蹟志

六

東止於山上其山在高昌西北下有洞穴狼入其中遇得平壤茂草地方二百餘里其後狼生十男其一姓阿史那氏最賢遂為君長故牙門建狼蠱頭示不忘本也案西域圖志謂高昌西北山即迪化東北哈喇莽奈鄂拉

鄂拉蒙古古語山也

### 鄯善縣

### 漢墩

一統志云罕都在闐展城西北百里有土城西南小山上有一墩相傳漢時所築案西域圖志謂漢墩或

罕都之訛

鎮西廳

巴里坤八景

方士淦東歸日記云巴里坤漢之月支也本係蒙古  
遊牧地居天山之陰夏月冰雪不化山逼城垣寒冷  
異常居民商賈多在城外西北有海週圍六十里海  
沿泥淖人不能到漢書蒲類海也常現海市相傳中  
有寒蠶文武衙門只鳴頭礮不鳴二礮松相國奏入  
祀典春秋致祭地方重鎮為牧場最繁之區其地有

新疆圖志

古蹟志

七

八景曰天山松雪蒲海蠶城岳台留勝本朝岳威信

尖山曉日鏡潭宿月黑溝藏春龍宮烟柳秋稼堆雲

金桐軒曾親見八景云岳台最雄傑前有八陣奇門

旁能容萬馬黑溝去城三十里路難行一入山內豁

然開朗蒼崖絕壁樹木千章飛泉瀑布琪花瑤草別

有洞天惟高處不勝寒風雪所常耳蠶城即海市蜃

樓大陰則見亦奇觀也龍王廟獨有柳樹他處絕無

故有烟柳之勝

西域釋地云蒲類海一名婆悉海俗不知其名呼為

海子在城西北沙山之下東西袤一百餘里對岸寬  
數十里晨興過此往往見有樓台殿閣城垣街衢之  
狀

### 沙山古營

在城東南一百六十里松樹塘對面山麓有沙坡一  
段長十里許牧人入山深處夜聞鈴鐸音相傳昔覆  
軍於此案後漢呼衍王將二千餘騎寇伊吾伊吾司  
馬毛愷遣吏兵五百人於蒲類東海與呼衍王戰悉  
爲所沒沙山正蒲類東也

### 新疆圖志

古蹟志

八

### 天山玉碑

燉煌太守碑在巴里坤天山關壯繆祠內高五六尺  
厚尺餘色黑堅潤類玉天然石筍不假雕鑿碑陽碑  
陰均凸凹不平碑文下虛尺餘無字有回民欲盜之  
挖至丈餘根不能盡其人病魔而死相傳漢碑能避  
水唐碑能避火須五月五日午時搗者方驗唐碑在  
巴里坤北門外覆之以亭平卧地上

漢唐碑文  
詳金石志

### 哈密廳

### 九龍樹

城西三里有回城札薩克所居西南隅有古樹分根  
劈幹偃仰如龍相傳千餘年物也陶葆廉侍行記言  
某阿渾家有九龍樹往視則老楊卧地處處生根枝  
幹糾紛穿垣踰壁蔭十餘丈案龍臺縣和吉莊有千  
年老柳覆蓋四畝亦號九龍樹

### 回紇墓

城東南五十里星星峽山麓有回紇墓纏回呼爲麻  
札相傳唐大將軍某俘回紇七人歸其一歿于途葬  
此屢著靈異土人爲釀金建屋覆其壘禱輒響應匾

### 新疆圖志



古蹟志

九

額克棟亦有施錦幃墓上者恒積至尺許

庫爾喀喇烏蘇廳

### 蓮花池

西域釋地云城西二里許小邱形周如釜中有蓮花  
池水極涼約深數尺四時不消不長每夏白蓮從水  
底挺出花朵稍小間有如盃大者幹或長至一二丈  
可異也案池在城北二里西域釋地其形如甌相去  
二里有碧泉池其涼震齒

伊犁府

綏定縣

四十八橋

西域水道記云塔勒奇嶺爲伊犁北境門戶新溝之西二十餘里曰果子溝谷長七十里北有峻嶺扼之嶺上多松名曰松樹頭嶺嶺東有泉曰察察布拉克西流至谷中有紅水泉發自松樹頭嶺下來匯谷西山亦有水曰烏蘭烏蘇東南流來匯同南流經鄂博勒齊爾軍台西軍台距松樹頭三十里有庫爾齊布

新疆圖志

古蹟志

十

拉克水由東來匯又南流有烏博勒齊爾水由西來匯凡三十五里經塔勒奇卡倫又南流三里有將軍布拉克水由東來匯又南流二里經塔勒奇阿璊軍台東又南流里許繞谷外奔湍迅急聲數里谷中跨水架橋四十有二峭壁夾道蒼松據崖山鳥飛鳴林木陰翳入伊犁者驛程經此塞沙眯目頓覺清涼迨乎初冬雨雪填谷行縱斷絕又以是爲險隘也元長春山游記云沿天池南下左右峯巒峭拔松檜陰森白巔及麓何啻萬株眾流入峽奔騰洶湧曲折彎環

可六七十里二太子扈從西征始鑿石理道刊木爲  
四十八橋橋可並車薄暮宿峽中翌日方出東西太  
川水草豐秀天氣似春稍有桑棗蓋四十八橋其來  
已舊今因其遺址爲四十二橋彼土不知謂爲保文  
端所剏案果子溝舊有四十八橋乾隆時保文端改  
爲四十二餘六橋均峭壁懸崖寬僅十尺每值春融  
雪霽或陰雨連綿輒被水衝折行旅視爲畏途光緒  
丙午將軍馬亮傍山鑿石闢路甚多少夷其險今存  
小橋七大橋十一

新疆圖志

古蹟志

十一

劍佩翁仲

賽里木淖爾西岸有城堡遺址中一著巾帶劍翁仲  
偃仆草間右手撫劍左手當胸若捧物狀石已殘泐  
莫知年祀

西方淨海

塞外錄云賽里木淖爾有島嶼無輪委不生一物不  
染一塵投以巨細物頃刻必漂浮上岸水色深綠環  
以雪峯久視之覺心形俱澈土人稱爲西方淨海中  
有神獸青牛大角而多髯見則雨雹



石翁仲

西域水道記云台畢爾哈圖山口遙望海氣接天不知所極西行四十里乃海北岸其處翁仲無慮數十嘉慶十七年索倫營領隊福勒洪阿行邊至此賦詩

詩曰久戍邊城客似家而今雁爪更天大謂此翁仲古

歷殷勤說與殘翁仲不是前朝舊鼓笳

疑兵之遺然兵行神速拔幟揚塵豈容龍龔此古勃律君長葬地或有陪葬如唐昭陵製歟

塔城廳

青石佛跡

新疆圖志

西域水道記云察罕托海卡倫之西有溫泉浴之已疾每際夏初游者絡繹有一青蛇時浮水面見者禮拜號曰神蛇泉旁達摩寺中青石一方上有足跡長尺餘深寸許縷紋悉備不類雕刻故老相傳達摩浴此留跡而去是猶阿育王太子見行七步足跡文理見存也

溫宿府

溫宿縣

俱毗羅廢城

在城北九十里唐地理志安西西出拓厥關渡白馬河西入俱毗羅磧經苦井百二十里至俱毗羅城西城岡攷云即今賽里木城也遺址猶存

拜城縣

漢烏壘關

光緒丁丑劉襄勤錦棠督師西上部將提督徐萬福

新疆圖志

古蹟志

十三

統建威軍先驅在拜城東二百里明布拉克山見一石刻迺梯絕壁剔苔蘚摸搨其文係漢永壽四年八月甲戌淳于某為龜茲左將軍劉平國作頌末書有此東烏壘關五字

庫車州

漢楷輪迴經

城西北九十里托和龍達板之西南有千佛洞人呼丁谷山山之上下前後鑿洞四五百皆五彩金彩繪西番佛像惜多剝落最高一洞三楹壁鑿白衣大士

及漢楷輪迴經一部相傳是唐人書餘皆番字石面履跡

唐西域記云屈支國城北四十餘里接山阿隔河有二伽藍同名昭怙釐佛像裝飾殆越人工東昭怙釐佛堂中有玉石面廣二尺餘色帶黃白狀如海蛤其上有佛足履之跡長尺有八寸餘每遇齋日照燭光明案石今不復見

焉耆府

唐鐵門關

新疆圖志

古蹟志

十四

晉書西戎傳云沙州刺史楊宣疆理西域宣以部將張植爲前鋒所向風靡軍次焉耆熙拒于賁崙城進屯鐵門未至十餘里熙又率眾先要之於遮留谷植將至或曰谷名遮留殆將有伏單騎嘗之果有伏發植擊敗之進據尉犁熙降

唐書地理志自焉耆西五十里過鐵門關又二十里至於術守捉城

西域圖志云按晉書鐵門應卽唐書之鐵門關今庫爾勒爲古焉耆西境則焉耆西五十里之鐵門關宜

在今庫爾楚之東也晉書遮留谷未至鐵門十餘里唐書于術守捉城東至鐵門關二十里宜與今庫爾楚相近晉陽宣部將張植由鐵門遮留谷進據尉犁尉犁在漢爲焉耆西南白里國在晉爲焉耆西界之城是時疆理西域還攻焉耆從國之西境入是以先據尉犁而鐵門遮留谷之在今喀喇沙爾西境益無疑也

西域水道記云自庫爾勒北二十里至巖口所謂遮留谷入山徑路崎嶇三十里越大石嶺下通開都河

新疆圖志

古蹟志

十五

地處要害或建關於此唐岑參有題鐵門關樓及宿鐵關西館詩下嶺十里至哈勒噶阿璊軍臺河水又西行三十餘里出山水經注曰又西出沙山鐵關谷也

案哈勒噶阿璊驛山谷亦名鐵關谷哈勒噶準語謂道路阿璊言地當山口也唐時焉耆在今府西四十里又西五十里即鐵門關今哈勒噶阿璊距焉耆恰九十里關當在此

廢城

在城東北一百九十五里察罕通格廢垣存十之三  
四何代何年建置載籍無徵西域圖志亦云廢城城  
西有泉委折而南分渠溉田

輪臺縣

輪臺故城

在縣治東南六十餘里西域水道記所云故大城也  
城中有土臺高三丈許週二百餘步城外一臺較小  
畧低居民不時掘得古玩器物西域圖志云輪臺自  
李廣利屠之後其國併于龜茲而舊城尙存故漢屯

新疆圖志

古蹟志

十六

田之使于斯托處

漢葦橋

永元六年焉耆王廣與班超戰恃有葦橋之險使超  
兵不得渡案橋在縣葦湖上爲往來要津每歲秋深  
以葦雜沙土修葺一次

新平縣

飲馬河

縣南四十里飲馬河一名孔雀河人言班定遠西征  
時飲馬於此後有孔雀棲止故又名孔雀河案漢永

元六年班超發龜茲鄯善諸國兵討焉耆兵到尉犁焉耆國有葦橋之險焉耆王廣及扼橋以待超更從他道厲渡即今飲馬河濟不濡軌車馬徑涉

### 憇馬亭

縣北十里官道旁有廢亭遺址相傳張博望西行曾憇馬於此後人即其地建亭焉

### 婁羞縣

### 鄯善廢郡

案隋書地理志大業五年平吐谷渾置鄯善郡即古

### 新疆圖志

古蹟志

十七

樓蘭城也領縣二一曰顯武曰濟遠今縣治西北有廢城三斷垣存十之三四餘爲沙所沒當即隋之郡縣各城也

### 白龍堆

在縣治東千餘里無水草亦名旱海西域圖志云白龍堆沙形如卧龍高者二三丈卑者丈餘蓋象形以名其沙者也漢書西域傳稱樓蘭最近漢東垂當白龍堆乏水草今自墩煌縣西南境之巴顏布拉克以西流沙極目蜿蜒出沒之狀猶有存者

疏勒府

疏附縣

漢烏即城

在城南七里愛斯克沙案永平九年疏勒王忠陰與  
莎車通率眾反西保烏即城今廢址尙存

耿恭井

城東隅高阜之麓有井方正濶丈六尺多泉罅水清  
澈底井西建耿祠土人言耿恭師行至此拜禱得泉  
也案漢永平十七年司馬耿恭爲戊校尉屯後王部

新疆圖志



古蹟志

十八

金滿城明年三月北匈奴擊殺車師後王攻金滿城  
恭以毒藥傳矢射之虜應弦倒視創若沸大驚解去  
恭因疏勒城旁有澗水可固引兵據此已而匈奴復  
來攻絕澗水恭于城中穿井十五丈不得水遂整衣  
冠拜禱有頃飛泉湧出虜復大驚引去後人誤以疏  
勒城爲疏勒國城也故附會之陶葆廉侍行記謂恭  
所守之疏勒城當今阜康則近是

伽師縣

唐伽師城

縣治五代里克東北五十里山麓有廢城東西南三面斷垣存五尺許北垣地盡相其基址宏濶類王府案唐西域傳疏勒一曰佉沙環五千里王姓裴氏自號摩支居伽師城即其地也

英吉沙爾廳

漢楨中城

在城北一百里阿克吐案元和三年疏勒廢王忠說康居士借兵還據楨中城今廢址尚存

茲車府

新疆圖志

古蹟志

十九

古浮圖

西域水道記云城東南隅有古浮圖一高三十餘丈回人名曰圖特謂是喀喇和台國人所造惟以磚甃不施櫺檻正南有古塚松柏數十株石羊駝馬又石人二以執笏佩劍言是喀喇和台國人之墓欲刻之則風雨交作彼土謂漢人爲和台也案浮圖頂損丈餘今猶高出城堞墓完如故在城東五里許

水道記誤屬城

南

巴楚州



蔚頭州廢城

在城東北一百五十里圖木舒克九台北山牧人于土中掘得開元錢因呼唐王城唐地志云河西內屬諸胡曰蔚頭州又一日鬱頭州在赤河北岸石山案赤河即州東赫色勒河赫色勒回語赤也西域圖志疑是西遼鷹州廢址

皮山縣

漢皮山國城

在縣東北五十里裝桂雅廢垣週十里俗呼破城子

新疆圖志

古蹟志

二十一

地多檉柳居民採樵於此往往掘得銅章錢刀等類西域水道記云是漢時國治

石門

唐西域記云瞿寶錢伽山

譯言牛角西域圖志云即皮什南按皮什南急謹之

則焉山峯兩起巖隙四絕牛角山巖有大石竇近者

巖墜掩塞門徑國王指蒲山國興兵欲除墜石黑蜂羣飛毒螫人眾以故至今石門不開

和闐州

于闐國佛跡

唐書西域傳云其國俗重佛法寺塔僧尼甚衆王尤信尙設齋日必親自灑掃饋食城南五十里有贊摩寺即昔羅漢比丘盧旃爲其王造覆盆浮圖之所石上有辟支佛洗處雙跡猶存

水經注云其國殷庶民多篤信大乘學威儀齊整器鉢無聲南城十五里有刹寺中有石鞞土石有足跡彼俗言是辟支跡佛

### 鼠壤墳

唐西域記云瞿薩旦那國城西百五六十里大沙磧

### 新疆圖志

古蹟志

二一

正路中有堆阜並鼠壤墳也沙中鼠大如蝟其毛則金銀異色西域圖志謂今自額里齊城西行百九十里至皮雅勒阿勒瑪鼠壤遺跡當在其東境若以今哈喇哈什爲王城由此西行百五十里應在皮雅勒阿勒瑪西境也

### 龍鼓

唐西域記云王城東南百餘里有大河即城東玉河西北流國人利之以用溉田其後斷流王深怪異羅漢曰是龍所爲耳宜速祠求當復昔利祠祭河龍忽有

一女凌波而至求選大臣以爲配偶大臣入河履水  
不溺濟乎中流麾鞭畫水水爲中開白馬浮出負一  
旃檀大鼓懸城東南若有寇至鼓聲先震河水遂流  
至今利用歲月浸遠龍鼓久無舊懸之處今仍有鼓  
池側伽藍荒圯無僧

于闐縣

尼壤廢城

城東二百里  
有尼雅莊尼雅與尼壤音近  
再東沙磧中有廢  
城遺址即唐辨機記云  
媿摩城東入沙磧行二百餘

新疆圖志

古蹟志

二二

里至尼壤城也

漢沮末國城

在城東卡牆廢垣尙存辨機西域記于闐東行入流  
沙四百餘里至覩貨羅故國又東行六百餘里至折  
摩馱那故國即沮末地也城郭巍然人烟斷絕案卡  
牆有河唐地理志所謂沮末河

